

ԵՎՐԱՏԼԱՆՏԱՆ ԻՆՏԵԳՐՈՒՄ

ՎՐԱՍՏԱՆԻ ՎԱՐՉԱՊԵՏԻ
ԱՇԽԱՏԱՆՔԱՅԻՆ ԱՅՑԸ ԲՐՅՈՒՄԵԼ

Ապրիլի 25-26-ը Վրաստանի վարչապետ Իրակլի Դարիբաշվիլին, արտաքին գործերի նախարար Իլիա Դարչիաշվիլու եւ կառավարության վարչակազմի ղեկավար Ռեւազ Ջավելիժեի ուղեկցությամբ, աշխատանքային այցով գտնվում էր Բրյուսելում:



Այցի շրջանակներում, Իրակլի Դարիբաշվիլին բարձր մակարդակի երկկողմ հանդիպումներ անցկացրեց ինչպես ՆԱՏՕ-ում, այնպես էլ՝ Եվրամիությունում:

Վրաստանի վարչապետ Իրակլի Դարիբաշվիլու եւ Եվրախորհրդի նախագահ Շառլ Միշելի հանդիպման հիմնական թեման Եվրամիությանը Վրաստանի անդամակցության գործընթացն էր: Իրակլի Դարիբաշվիլին Եվրախորհրդի նախագահի հետ կիսեց Վրաստանի ջանքերը Եվրահանձնաժողովի 12 առաջնահերթությունների կատարման ուղղությամբ եւ նշեց, որ այս գործընթացում կառավարությունը մշտական խորհրդակցություններ է անցկացնում Եվրամիության կառույց- (Շարունակությունը՝ 2-րդ էջում)

ՎԱՎԵՐԱՑՎԵՑ ՎՐԱՍՏԱՆԻ ԶԳԱԼԻ ԱՌԱՋԸՆԹԱՅԸ
ԵՎՐԱԻՆՏԵԳՐՈՒՄՈՒ ՌԻԴՂՈՒԹՅԱՄԲ ԱՌԱՆՑՔԱՅԻՆ
ԲԱՐԵՓՈԽՈՒՄՆԵՐԻ ԱՆՑԿԱՑՄԱՆ ԳՈՐԾԸՆԹԱՑՈՒՄ
ՎՐԱՍՏԱՆԻ ԽՈՐՀՐԴԱՐԱՆԱԿԱՆ ԴԱՏՎԻՐԱԿՈՒԹՅՈՒՆԸ ԵՎՐԱՄԻՈՒԹՅՈՒՆՈՒՄ



Եվրամիության արտաքին հարաբերությունների խորհրդի (ԲԱԿ) նիստի շրջանակներում, արտագործնախարար Իլիա Դարչիաշվիլին մասնակցեց ԵՄ բարձրաստիճան ներկայացուցիչների եւ անդամ երկրների արտագործնախարարների հետ հանդիպմանը, որը նախագահել է ԵՄ անվտանգության ու արտաքին քաղաքականության հարցերով բարձր ներկայացուցիչ Ջոզեֆ Բորելը:

Եվրամիության խորհրդի կողմից Լյուքսեմբուրգում կայացած միության արտաքին գործերի նախարարների հանդիպման մասին հաղորդակցության մեջ նշված է՝ քննարկումը հաստատեց, որ Վրաստանը զգալի առաջընթաց է գրանցել բազմաթիվ առանցքային բարեփոխումներում:

Եվրամիության խորհրդի վերոնշյալ որոշումը վավերացվեց նաեւ Եվրախորհրդարան՝ Վրաստանի խորհրդարանական պատվիրակության այցի ընթացքում: Ինչպես նշեց «Վրացական երազանք» կուսակցության նախագահ Իրակլի Կոբախիձեն, համդիպումներում մանրամասն քն- (Շարունակությունը՝ 2-րդ էջում)

նարկվել են Եվրախորհրդարանի առնչվող բոլոր հարցերը: - Ընդհանուր առմամբ, մենք շատ գործնական եւ ընկերական հանդիպում ունեցանք, որտեղ քննարկեցինք բոլոր մանրամասները: 12 կետերի վերաբերյալ էլ կիսվեցինք տեղեկություններով, տե- (Շարունակությունը՝ 2-րդ էջում)

ԱՌՈՂՋԱՊԱՐՈՒԹՅՈՒՆ

ԻՐԱԿԼԻ ԴԱՐԻԲԱՇՎԻԼԻ. «223 ՀԱՉԱՐ ՍՈՖԻԱԼԱՊԵՍ
ԱՆԱՊԱՀՈՎ ԵՐԵԽԱ ԱՄԵՆ ԱՄԻՍ ԿՍՏԱՆԱ 200-ԱԿԱՆ ԼԱՐԻ,
ՈՒՌՈՒՅՔԱՅԻՆ ՀԻՎԱՆՂՈՒԹՅՈՒՆՆԵՐ ՈՒՆԵՅՈՂ 300 ԵՐԵԽԱ
ՊԵՏՈՒԹՅԱՆ ՀԱՇՎԻՆ ԿԲՈՒԺՎԻ ԱՇԽԱՐՀԻ
ԼԱՎԱԳՈՒՅՆ ԿԼԻՆԻԿԱՆԵՐՈՒՄ»

Ապրիլի 24-ին, Վրաստանի կառավարության հերթական նիստում, երկրի վարչապետ Իրակլի Դարիբաշվիլին անդրադարձավ սոցիալապես անապահով երեխաների օգնության, ուղուցքային հիվանդություններ ունեցող երեխաների՝ արտասահմանյան կլինիկաներում բուժման թեմային, պարզաբանումներ կատարեց ախտորոշողազիա ունեցող երեխաների բուժման հետ կապված իրավիճակի շուրջ:



- Ուզում եմ հիշեցնել մեր հասարակությանը, թե ինչ քաղաքականություն է իրականացվում վերջին տարիներին: Վերջին օրերին խոսվում էր, որ երեխաները օգնության կարիք ունեն եւ այլն:

Մենք այս տարի հատկացրել ենք 465 մլն լարի, որպեսզի ամեն ամիս 200-ական լարի աջակցություն տանք սոցիալապես անապահով 223 000 երեխայի: Այդ նպատակով հատկացվել է 465

մլն լարի, - հայտարարեց վարչապետն ու հիշեցրեց, որ մինչեւ 2012 թվականն այս ուղղությամբ ֆինանսավորումը եղել է զրոյական: (Շարունակությունը՝ 3-րդ էջում)

ԱՊՐԻԼԻ 24-Ը ՄԵԾ ԵՂԵՆԻ ՕՐՆ Է

ՀԱՐԳԱՆԷԻ ՏՈՒՐԷ՝ ՀԱՅՈՑ ՑԵՂԱՍՊԱՆՈՒԹՅԱՆ
ՉՈՂԵՐԻ ՀԻՇԱՏԱԿԻՆ

Ապրիլի 24-ին՝ Մեծ եղեռնի 108-րդ տարելիցին, Հայաստանի բարձրագույն ղեկավարությունը Ծիծեռնակաբերդի հուշահամալիրում հարգանքի տուրք մատուցեց Հայոց ցեղասպանության զոհերի հիշատակին:



Այդ օրը Հայաստանի նախագահ Վահագն Խաչատուրյանը, վարչապետ Նիկոլ Փաշինյանը, Ազգային ժողովի նախագահ Ալեն Սիմոնյանը, բարձրաստիճան այլ պաշտոնյաներ ծաղկեպսակ դրե-

ցին Ցեղասպանության զոհերի հիշատակը հավերժացնող հուշարձանի մոտ, ծաղիկներ խոնարհեցին Ամմար կրակի շուրջ:

(Շարունակությունը՝ 7-րդ էջում)

ՎԻՐԱՀԱՅՈՒԹՅՈՒՆԸ ՀԱՐԳԵՅ ՀԱՅՈՑ
ՑԵՂԱՍՊԱՆՈՒԹՅԱՆ ՉՈՂԵՐԻ ՀԻՇԱՏԱԿԸ

Օսմանյան կայսրության կողմից 1915 թվականին հայերի նկատմամբ իրականացված ցեղասպանությունը 20-րդ դարասկզբի մեծագույն ոճրագործությունն էր: Աշխարհասփյուռ հայությունը հիշատակեց Հայոց ցեղասպանության 108-րդ տարելիցը:

Մեծ եղեռնի 108-րդ տարելիցը Թբիլիսիում մեկնարկեց ապրիլի 23-ին՝ Հավվաբարի Սուրբ Էջմիածին եկեղեցու բակում գտնվող Հայոց ցեղասպանության զոհերի հիշատակին նվիրված խաչքարի մոտ խոնարհումով եւ ջախերի երթով: Ապրիլի 24-ին Թբիլիսիի Սուրբ Էջմիածին եկեղեցում անցկացվեց բարեխոսական կարգ՝ նվիրված

Հայոց ցեղասպանությանը: Թբիլիսիում Հայոց Մեծ եղեռնի սրբադասված զոհերի հիշատակին նվիրված վիրահայերի խաղաղ երթ իրականացվեց դեպի Վրաստանում Թուրքիայի դեսպանատուն: Մեծ եղեռնի 108-րդ տարելիցին նվիրված միջոցառումներ անցկացվեցին նաեւ Վրաստանի հայաբնակ բոլոր բնակավայրերում:

ԹԲԻԼԻՍԻ. ՀՈՒՇ-ԵՐԵԿՈ՝ ՆՎԻՐՎԱԾ
ՄԵԾ ԵՂԵՆԻ 108-ՐԴ ՏԱՐԵԼԻՅԻՆ

Ապրիլի 24-ին Վրաստանում Հայաստանի դեսպանության եւ Հայ Առաքելական Սուրբ եկեղեցու վիրահայոց թեմի համատեղ

նախաձեռնությամբ, Թբիլիսիի Վաստ Աբաշիձեի անվան պետական թատրոնում կազմակերպ- (Շարունակությունը՝ 4-րդ էջում)

ԴԻՎԱՆԳԻՏԱԿԱՆ

ՎՐԱՍՏԱՆԻ ԿՐԹՈՒԹՅԱՆ ՆԱԽԱՐԱՐԸ ՀԱՆԴԻՊԵՅ
ՎՐԱՍՏԱՆՈՒՄ ՀԱՅԱՍՏԱՆԻ ԴԵՍՊԱՆԻ ՀԵՏ

Ապրիլի 25-ին Վրաստանի կրթության եւ գիտության նախարար Գիորգի Ամիլխվաթին հանդիպում ունեցավ Վրաստանում Հայաստանի արտակարգ եւ լիազոր դեսպան Աշոտ Սմբաթյանի հետ:

Հանդիպմանն անդրադարձ կատարվեց Հայաստանի ԿԳՄՍ նախարարի՝ Վրաստան կատարած վերջին այցի ընթացքում ստորագրված հուշագրերի շրջանակներում կողմերի միջեւ համագործակցությանը: Մտքեր փոխանակվեցին կրթության եւ գիտության ոլորտում առաջիկա երկկողմ ծրագրերի վերաբերյալ:



ԵՎՐԱՏԼԱՆՏԱՆ ԻՆՏԵՐՈՒՄ

ՎՐԱՍՏԱՆԻ ՎԱՐՉԱՊԵՏԻ ԱՇԽԱՏԱՆՔԱՅԻՆ ԱՅՑԸ ԲՐՅՈՒՄԵԼ

(Սկիզբը՝ 1-ին էջում)

ների ու անդամ երկրների, ինչպես նաեւ Վենետիկի հանձնաժողովի եւ ԵԱՀԿ ժողովրդավարական հաստատությունների ու մարդու իրավունքների գրասենյակի (ԵԱՀԿ/ԺՀՄԻԳ) հետ:

Վարչապետը, մասնավորապես, ընդգծեց տարեվերջին Վրաստանին ԵՄ անդամակցության թեկնածուի կարգավիճակ տրամադրելու կարելիությունը:

Կողմերը խոսեցին Ուկրաինայում շարունակվող պատերազմի եւ տարածաշրջանի անվտանգության միջավայրի վրա դրա ազդեցության մասին:

Վրաստանի վարչապետ Իրակլի Դարիբաշվիլու եւ ՆԱՏՕ-ի գլխավոր քարտուղար Եմա Ստոլտենբերգի հանդիպմանը կողմերը խոսեցին Վրաստանի Եվրատանտյան դաշինքին ինտեգրման դիմադրության եւ երկկողմ համագործակցության հազեցած օրակարգի մասին:

Ձրույցի ընթացքում ամրադրարծ կատարվեց նաեւ տարածաշրջանում անվտանգության ծանր միջավայրին եւ Ուկրաինայում շարունակվող պատերազմին:

Դաշինքի գլխավոր քարտուղարը նշեց ՆԱՏՕ-ի անասան աջակցությունը Վրաստանի ինքնիշխանությանն ու տարածքային ամբողջականությանը:

Վրաստանի վարչապետն ընդգծեց, որ ՆԱՏՕ-Վրաստան համագործակցությունը գլխավոր առաջնահերթություններից է: Իր հերթին, ՆԱՏՕ-ի գլխավոր քարտուղարը հաստատեց Դաշինքի ամուր աջակցությունը վարչապետին:



Հանդիպմանը քննարկվեց Վիլնյուսում կայանալիք ՆԱՏՕ-ի գագաթաժողովը: Կողմերը խոսեցին Սեւ ծովի անվտանգության կարելիության եւ այդ հարցում Վրաստանի դերի մասին:

ՆՈՐ ԿԱՆՈՆ՝ ԵՎՐԱՄԻՈՒԹՅԱՆ ԵՐԿՐՆԵՐՈՒՄ ԱՆԱՅՆԵՐԱՅԻՆ ՈՒՂԵՎՈՐՈՒԹՅԱՆ ՀԱՄԱՐ

Վրաստանում Եվրամիության ներկայացուցչությունը տեղեկատվություն է տարածում Եվրամիության երկրներ մեկնել ցանկացողների համար:

Ինչպես նշվում է տեղեկատվության մեջ, 2024 թվականից 59 երկրի, այդ թվում՝ Վրաստանի քաղաքացիների համար, ովքեր օգտվում են Եվրոպայում առանց վիզայի ճամփորդությունից, պարտա-

դիր կլինի տեղեկատվությունից եւ Թույլտվության համակարգի (ETIAS) նախնական ճամփորդության հաստատում (լիազորում) ստանալը: ճամփորդության հաստատումը Եվրամիության

ներդրված նոր պահանջն է Շենգենյան 27 երկիր, Բուլղարիա, Ռումինիա եւ Կիպրոս մուտք գործելու համար:

Դիտողություն. ETIAS-ը վիզա չէ: Առանց վիզայի ռեժիմը գործում է Վրաստանի քաղաքացիների՝ ԵՄ/Շենգենյան երկրներ կարծատել այցերի դեպքում:

Զգուշացե՛ք խաբեքանե-

րից. ETIAS-ը միակ պաշտոնական կայքն է՝ www.europa.eu/etias:

ETIAS համակարգը դեռ չի գործում, գործարկումից հետո հայտի ձեւը հասանելի կլինի պաշտոնական կայքում: Մանրամասն տեղեկությունների համար տես՝ europa.eu/!FnfNwM նշված է տեղեկատվության մեջ:

ՎԱՎԵՐԱՅՎԵՅՎ ՎՐԱՍՏԱՆԻ ԶԳԱՒԻ ԱՌԱՋԸՆԹԱՅԸ ԵՎՐԱԻՆՏԵՐՄԱՆ ՈՒՂՈՒԹՅԱՄԲ ԱՌԱՆՔԱՅԻՆ ԲԱՐԵՓՈԽՈՒՄՆԵՐԻ ԱՆՅՎԱՅՄԱՆ ԳՈՐԾԸՆԹԱՅՈՒՄ

(Սկիզբը՝ 1-ին էջում)

ղեկացրին, որ ապաօլիգարխացման մասին օրենքի նախագիծն ուղարկվել է Վենետիկի հանձնաժողով, եւ սպասում ենք դրանց եզրակացությանը: Մենք խոսեցինք այն մասին, որ միաժամանակ պատրաստվում ենք փոփոխություններ իրականացնել համակարգային մոտեցմամբ,

ինչպես նաեւ փոփոխություններ իրականացնել անձնական մոտեցմամբ: Այսինքն համակարգային բարեփոխումները շարունակվելու են, եւ դրան զուգահեռ ընդունելու ենք ապաօլիգարխացման մասին օրենքի նախագիծը: Նրանք պայմանավորվել են ապաօլիգարխացման մասին օրենքի նախագիծն ուղարկել Վենետիկի հանձնաժողով: Նրանք մեզ ասա-

ցին, որ կսպասեն Վենետիկի հանձնաժողովի հաջորդ զեկույցին, ապա՝ քննարկման հնարավորություն կլինի: Մենք մանրամասն խոսեցինք դատախարակական բարեփոխումների մասին, կիսվեցինք օրենքի նախագծի ստեղծման գործընթացի հետ կապված բոլոր մանրամասներով: Մենք միասին կքննարկենք վերջնական փաթեթները,- ասել է Կոբախիձեն:

ՎՐԱՍՏԱՆ - ԼԵՅԱՍՏԱՆ

ԸՆԴԳԾՎԵՑ ԵՐԿԿՈՐԱՄ ՀԱՄԱԳՈՐԾԱԿՑՈՒԹՅԱՆ ՀԵՏԱԳԱ ԽՈՐԱՑՄԱՆ ԿԱՐԵՎՈՐՈՒԹՅՈՒՆԸ

Լեհաստանի արտաքին գործերի նախարար Զբիգնեւ Ռաուն հանդիպեց Վրաստանի վարչապետ Իրակլի Դարիբաշվիլու, նախագահ Սալոմե Ջուրաբիշվիլու, արտաքին գործերի նախարար Իլիա Դարչիաշվիլու, Վրաստանի խորհրդարանի ընդդիմադիր կուսակցությունների ներկայացուցիչների հետ:

Վրաստանի վարչապետի եւ Լեհաստանի արտաքին գործերի նախարարի հանդիպմանը կողմերը քննարկեցին երկու երկրների հարաբերությունները: Ուշադրություն հատկացվեց երկկողմ առեւտրատնտեսական համագործակցությանը, ընդգծվեց այդ ուղղությամբ կապերի հետագա ամրապնդման կարելիությունը: Ձրույցի ընթացքում ընդգծվեց նաեւ Եվրամիությանը Վրաստանի անդամակցությանը Լեհաստանի ուժեղ աջակցության կարելիությունը:

Իրակլի Դարիբաշվիլու խոսքով, Վրաստանը ողջունում է Լեհաստանի աջակցող հայտարարությունները բոլոր հնարավոր ձեւաչափերով՝ կապված Վրաստանին թեկնածուի կար-

գավիճակ տրամադրելու հետ: Հանդիպմանը վրացական կողմից մասնակցեցին արտաքին գործերի նախարար Իլիա Դարչիաշվիլին, կառավարության վարչակազմի ղեկավար Ռեւազ Ջավելիձեն եւ Լեհաստանի Հանրապետությունում Վրաստանի արտակարգ եւ լիազոր դեսպան Դիանա ժդենտին:



ՌՈՒՄ - ՈՒԿՐԱԻՆԱԿԱՆ ՊԱՏԵՐԱԶՄ

ԱՃՈՒՄ ԵՆ ՈՒԿՐԱԻՆԱՅԻՆԵՐԻ ԶԻՆՏԵՆՆԻԿԱՅԻ ԿՈՐՈՒՄՆԵՐԸ

Ռուսաստանի պաշտպանության նախարարության կողմից հրապարակած տեղեկատվության համաձայն, 2022 թվականի փետրվարի 24-ից մինչեւ ընթացիկ տարվա ապրիլի 28-ը, ուկրաինական կողմից սպանվել է ավելի քան 160 հազար զինծառայող, ոչնչացվել՝ 8 887 տանկ ու զրահամեքենա, 413 ինքնաթիռ, 229 ուղղաթիռ, 3 887 անօդաչու թռչող սարք, 421 զենիթահրթիռային համակարգ, զալպային կրակի հրթիռային 1 095 համակարգ, 4 679 հրետանային համակարգ, 9 820 ռազմական հատուկ տեխնիկա:

ԱՃՈՒՄ Է ՌՈՒՄԱԿԱՆ ԿՈՐՄԻ ԶՈՐԵՐԻ ԹԻՎԸ
Ինչպես տեղեկացրել է Ուկրաինայի Զինված ուժերի գլխավոր շտաբը, 2022 թվականի փետրվարի 24-ից մինչեւ 2023 թվականի ապրիլի 28-ը ներառյալ, ուկրաինա-


կան բանակի կողմից սպանվել է 189 460 ռուս զինծառայող, ոչնչացվել՝ 3694 տանկ, 7181 զրահամեքենա, 2 905 հրետանային համակարգ, համազարկային 543 համակարգ, հակաօդային պաշտպանության 294 համակարգ, 308 ինքնաթիռ, 295 ուղղաթիռ, 5819 ավտոմոբիլային տեխնիկա, 18 մարտանավ, 2 467 անօդաչու թռչող սարք, 911 թեւավոր հրթիռ, 353 հատուկ տեխնիկա:

ՈՒԿՐԱԻՆԱՅՈՒՄ ԶՈՐՎԵՑ 43-ՐԴ ՎՐԱՅԻ ՄԱՐՏԻՎԸ
Ուկրաինայում Ռուսաստանի սանձազերծած պատերազմում զոհվել է եւս մեկ վրացի մարտիկ՝ Զուրաբ Օդիշվիլին:
Նշենք, որ 2022 թվականի փետրվարի 24-ից Ուկրաինայում 43 վրացի մարտիկ է զոհվել:

ՄՈՒՍԿՎԱՅԻ ՄԱՐԶԸ՝ ՈՒԿՐԱԻՆԱԿԱՆ ԱԹՍԻ ԹԻՐԱՆ
Մոսկվայի մարզի տարբեր շրջաններում զոհել են տե-

սախցիկներով զինված երեք կվադրոկոպտեր՝ առանց տարբերակիչ նշանների: Դրանցից մեկը զոհել են Բոգոբոդսկիի շրջանում հայտնաբերված ուկրաինական ինքնաթիռային տիպի անօդաչու թռչող սարքի ընկած վայրից ոչ հեռու: Պայթուցիկով հազեցված ԱԹՍ-ն արտադրված է Ուկրաինայում եւ կարող է թռչել մինչեւ 900 կմ:

ՈՒԿՐԱԻՆԱԿԱՆ ՈՒԺԵՐՆ ԱՆՑԵԼ ԵՆ ԴՆԵՊՐԻ ԶԱՆ ԱԾ
Պատերազմի ռուսմանսիրման իմաստիտուտի տվյալներով, ուկրաինական ուժերը, հավանաբար, մտել են Խերսոնի շրջանի ձախ ափ, ռուսական ուժերը չեն կարող վերահսկել Դնեպր գետի որոշ կղզիներ՝ Խերսոնի հարավ-արեւմտյան մասում, ինչը վկայում է ուկրաինացիների հնարավոր առաջխաղացման մասին:



ԱՄՆ
ԶՈ ԲԱՅԴԵՆԸ ՀԱՅՏՆԵԼ Է ՎԵՐԸՆՏՐՎԵԼՈՒ ՄՏԱԴՐՈՒԹՅԱՆ ՄԱՍԻՆ

ԱՄՆ նախագահ Զո Բայդենը պաշտոնապես հայտարարել է, որ կառաջադրի իր թեկնածությունը 2024թ. նախագահական ընտրություններին մասնակցելու համար:

Եթե 2024թ.-ի ընտրություններում Դեմոկրատական կուսակցության կողմից առաջադրվի Զո Բայդենը, ապա, ինչպես 2020 թ.-ին, նա կարող է պայքարել ԱՄՆ նախկին նախագահ Դոնալդ Թրամփի դեմ, եթե վերջինս առաջադրվի Հանրապետական կուսակցության կողմից:

Նշենք, որ Դեմոկրատական կուսակցությունից նախագահի թեկնածու ընտրվելու համար առաջադրվել են միայն գրող Մարիան Ուիլյամսոնը եւ ԱՄՆ 35-րդ նախագահ Զոն Բենեդիկ եղբորորդի, իրավաբան եւ քաղաքական գործիչ Ռոբերտ Բենեդիկ կրտսերը:

Իսկ Հանրապետական կուսակցությունից Թրամփն այժմ նախագահի պաշտոնի առաջատար հավակնորդն է: Հայտեր են ներկայացրել նաեւ ՄԱԿ-ում ԱՄՆ-ի նախկին մշտական ներկայացուցիչ Նիկի Դեյլին, Արքանզասի նախկին նահանգապետ Սաա Հաքսինսոնը եւ ձեռնարկատեր Վիվեք Ռամասվամին:

BRICS
19 ԵՐԿԻՐ ՄՏԱԴՐԻ Է ԱՆԴԱՄԱԿՑԵԼ

Մոտ 19 երկիր մտադրություն է հայտնել անդամակցելու BRICS խմբին (Բրազիլիա, Ռուսաստան, Հնդկաստան, Զինաստան եւ Հարավաֆրիկյան Հանրապետություն): Նրանց հայտերը կքննարկվեն խմբի արտգործնախարարների հանդիպմանը, որը տեղի կունենա Խոնիսիսի Հարավաֆրիկյան Հանրապետության (ՀԱՀ) Բեյթիթա-ում քաղաքում:

Նշենք, որ 13 երկիր արդեն պաշտոնապես դիմել է անդամակցության խնդրանքով, եւս վեցը դա արել է ոչ պաշտոնապես:

ՍՈՒՂԱՆ
ԱՌՃԱԿԱՏՈՒՄԸ ՇԱՐՈՒՆԱԿՎՈՒՄ Է ՎՐԱՍՏԱՆԻ ՔԱՂԱՔԱՅԻՆԵՐԸ ՎԵՐԱԳՈՐԶԱՆ ՀԱՅՐԵՆԻՔ

Սուդանի բանակի եւ «Արագ աջակցության ուժերի» ղեկավարների առճակատումը վերածվել է քաղաքացիական պատերազմի: Ապրիլի 15-ին սկսած զինված բախումների զոհերի թիվը գերազանցել է 500-ը:

Նշենք, որ Վրաստանը Սուդանից կարողացավ դուրս բերել ավիաընկերություններում աշխատող վրաստանցի շուրջ 30 քաղաքացու:

Ըստ լրատվական գործակալությունների

ԱՊՐԻԼԻ 24-Ը ՄԵԾ ԵՂԵՈՆԻ ՕՐՆ Է

ԹԲԻԼԻՍԻ. ՀՈՒՇ-ԵՐԵԿՈ՝ ՆՎԻՐՎԱԾ ՄԵԾ ԵՂԵՈՆԻ 108-ՐԴ ՏԱՐԵԼԻՑԻՆ

(Սկիզբը՝ 1-ին էջում)

վեց Հայոց ցեղասպանության 108-րդ տարելիցի ոգեկոչման հուշ-երեկո:

Միջոցառմանը մասնակցում էին Վրաստանի խորհրդարանի առաջին փոխնախագահ Գիա Վուկալին, Ախալքալաքի, Նինոծմինդայի, Ծալկայի, Մառնեուլիի, Ախալցխայի մունիցիպալիտետների տեղական ինքնակառավարման մարմինների ներկայացուցիչներ, Վրաստանում հավատարմագրված մի շարք երկրների դեսպաններ եւ դիվանագիտական կորպուսի ներկայացուցիչներ, բարձրաստիճան պաշտոնյաներ, վիրահայ համայնքի ներկայացուցիչներ, այլ հյուրեր:

Հիշատակի միջոցառմանը ելույթով հանդես եկան Վրաստանում Հայաստանի դեսպան Աշոտ Սմբատյանը, Գ.Լեոնիձեի անվան վրացական գրականության պետական թանգարանի տնօրեն Լաշա Բաբրաձեն (ելույթի տեքստերը՝ աննշան կրճատումներով, տես 4-րդ էջում):

Հայոց ցեղասպանությունը վերապրածի ժառանգ նկարչուհի Իռենա Օհանջանովան հուշ-երեկոյի հյուրերին ներկայացրեց իր ընտանիքի պատմությունը: Միջոցառման իրենց բարձր կատարողական արվեստով հան-



դես եկան երեւանցի օպերային երգչուհի, սոպրանո Հասմիկ Բաղդասարյան-Դոլուխանյանը, Ախալքալաքի դաշնամուրային դպրոցի արդեն ճանաչման արժանացած սաներ, միջազգային մրցույթի դափնեկիրներ, երիտասարդ դաշնակահարներ 16-ամյա Անահիտ Ստելմաշովան եւ 12-ամյա Արսեն Կարապետյանը:

Միջոցառման ավարտին, Վիրահայոց թե-

մի առաջնորդ Տեր Կիրակոս վարդապետ Դավթյանը, Վրաց Ուղղափառ եկեղեցու Ախալքալաքի, Կոմուրդոյի եւ Կարիի թեմի միտրոպոլիտ Նիկոլոզ Փաշուաշվիլին եւ Հայաստանում ու Վրաստանում Վատիկանի Սուրբ Աթոռի նվիրակ, արտակարգ եւ լիազոր դեսպան արքեպիսկոպոս Ժոզե Ավելինո Բետանկուրը իրենց աղոթքներն ուղղեցին առ Աստված՝ հայցելով Հայոց Մեծ եղեռնի նահատակված սրբերի բարեխոսությունը:



ԱՇՈՏ ՍՄԲԱՏՅԱՆ. «ՃԱՆԱԶՈՒՄՆ Է, ՈՐ ԲԵՐՈՒՄ Է ՀԱՆՏԵՑՄԱՆ»

ՎՐԱՍՏԱՆՈՒՄ ՀԱՅԱՍՏԱՆԻ ԱՐՏԱԿԱՐԳ ԵՎ ԼԻԱԶՈՐ ԴԵՄՊԱՆ
ԱՇՈՏ ՍՄԲԱՏՅԱՆԻ ԵԼՈՒՅԹԸ՝ ՆՎԻՐՎԱԾ ՀԱՅՈՑ ՑԵՂԱՍՊԱՆՈՒԹՅԱՆ
108-ՐԴ ՏԱՐԵԼԻՑԻ ՀՈՒՇ-ԵՐԵԿՈՅԻՆ



Այսօր՝ ապրիլի 24-ին, արդեն 108-րդ անգամ ամբողջ աշխարհով մեկ մենք ոգեկոչում ենք Օսմանյան կայսրությունում 1915 թվականին տեղի ունեցած Հայոց ցեղասպանության զոհերի հիշատակը: Հիշում եմ մեր հարգանքի տուրքն ենք մատուցում, որի մասին վկայում է այս փոքրիկ ծաղիկը՝ անմոռուկը:

Այո, սա մեր բոլորի առաքելությունն է, եւ

մենք պետք է այս հիշողությունը փոխանցենք սերնդեսերունդ:

Այլեւս ողջ չեն այդ հանցագործության ակնատեսները, այժմ հիշելու մեր ժամանակն է:

Այն, ինչ կատարվեց 1915 թվականին, Առաջին համաշխարհային պատերազմի ստվերում, ամբողջ աշխարհի աչքի առաջ, հայ ժողովրդի մեծամասնության նկատմամբ մարդկության պատմության այն սակավ սեւ էջերից մեկն է, որը որակվել է որպես Ցեղասպանություն:

Այն, որ մենք հիշում ենք եւ հարգանքի տուրք մատուցում, դրանով որեւէ մեկին մեղադրալի աթոռին չենք մատցում: Ցեղասպանությունն իրագործողներն այլեւս ողջ չեն, իսկ նրանց երեխաներին ու թոռներին այդ մեղքը չենք կարող փոխանցել:

Այս հիշատակի եւ հարգանքի տուրքի մատուցմամբ մենք չենք խոսում մեղադրանքի կամ վրեժի մասին: Բայց Ցեղասպանության զոհերի ժառանգները իրավունք ունեն ակնկալելու պատմական փաստերի ու նաեւ պատմական հանցանքի ճանաչումը:

(Շարունակությունը՝ 5-րդ էջում)

ԼԱՇԱ ԲԱԲՐԱԶԵ. «ԱՅԼԵՎԱՍ ԵՐԲԵՐ ԶՊԵՏՔ Է ԹՈՒՅԼ ՏԱՆՔ ՆՄԱՆ ԱՂԵՏ»

ԹԲԻԼԻՍԻԻ Գ. ԼԵՈՆԻԶԵԻ ԱՆՎԱՆ ՎՐԱՑԱԿԱՆ ԳՐԱԿԱՆՈՒԹՅԱՆ
ԴԵՏԱԿԱՆ ԹԱՆԳԱՐԱՆԻ ՏՆՕՐԵՆ ԼԱՇԱ ԲԱԲՐԱԶԵԻ ԵԼՈՒՅԹԸ

1922 թվականի հուլիսի 21-ի ուշ երեկոյան, Թբիլիսիի Ջերմինսկու (այժմ՝ վրաց ճանաչված պատմաբան Պավլե Ինգորովայի անվան), Արտահերթ հանձնաժողովի շենքից ընդամենը 100 մետր հեռավորության վրա, հաճախակի կրակոցների ծայն լսվեց: Փողոցում ընկած էր չորս դի եւ մեկ վիրավոր: Նրանց թվում էր Ահմեդ Ջեմալ-փաշան՝ Առաջին համաշխարհային պատերազմի ժամանակ Երիտթուրքերի ղեկավար «եռյակի» անդամ եւ հայերի, հույների, ասորիների ու արամեացիների կոտորածների գլխավոր պատասխանատուներից մեկը:

Ենթադրվում էր, որ նա սպանվել էր հայ վրիժառուների կողմից՝ «Նեմեսիս» գործողության շրջանակներում, որը նախաձեռնվել էր դաշնակների կուսակցության կողմից հայերի բնաջնջման մեջ մեղավորներին գտնելու եւ մահապատժի ենթարկելու նպատակով:

Դրանից մեկ տարի առաջ՝ 1921 թվականի մարտի 15-ին, 24-ամյա Սողոմոն Թեղեյանը Բեռլինի Հարդեն-



բերգ փողոցում սպանել էր Մեհմեդ Թալեաթ-փաշային, ով Երիտթուրքական «Միություն եւ առաջադիմություն» կուսակցության պարագլուխներից մեկն էր եւ «եռապետության» անդամ, ինչպես եւ Ջեմալ փաշան: Բեռլինի դատարանը անմեղ ճանաչեց Թեղեյանին, ում աչքի առաջ բռնաբարել ու սպանել էին նրա երկու քույրերին, սպանել մորն ու եղբորը, իսկ ողջ ընտանիքին (ավելի քան 80 մարդ)՝ սպանդի ենթարկել:

(Շարունակությունը՝ 5-րդ էջում)

ԺՈՂՈՎՐԱԳՐՈՒԹՅՈՒՆ

ՑՈՒՑԱՆԻՇՆԵՐԸ ՄՏԱՅԻԳԻՉ ԵՆ



Վրաստանի ազգային վիճակագրական ծառայությունը հրապարակեց Վրաստանի 2022 թվականի ժողովրդագրական ցուցանիշները: Ամուսնությունների, ամուսնալուծությունների, ծնելիության եւ մահացության վերաբերյալ ծառայության տվյալները բավական մտահոգիչ են:

Այսպես, հրապարակած տվյալների համաձայն, 2022 թվականին գրանցվել է 26 հազար

048 ամուսնություն, ինչը 12,5 տոկոսով ավելի է 2021 թվականի համապատասխան ցուցանիշից: Առաջին ամուսնության միջին տարիքը կանանց համար 29,4 տարեկանն է, տղամարդկանց համար՝ 31,9-ը:

Միաժամանակ, 2022 թվականին գրանցված ամուսնալուծությունների թիվը կազմել է 14 հազար 098, ինչը 32,3 տոկոսով ավելի է 2021 թվականի համապատասխան ցուցանիշից:

Ինչ վերաբերում է ծնելիության վիճակագրությանը, ապա 2022 թվականին Վրաստանում նորածններ-

րի թիվը կազմել է 42 հազար 319, այդ թվում՝ 21 հազար 897 տղա եւ 20 հազար 422 աղջիկ. այս ցուցանիշը, նախորդ տարվա համեմատ, նվազել է 7,9 տոկոսով:

Վիճակագրական ծառայության տվյալներով, 2022 թվականին ամենամեծ թվով ծնունդներ գրանցվել են Թբիլիսիում՝ 14 հազար 202, իսկ ամենափքիչը՝ Ռաճա-Լեչխումիում եւ Քվեմո Սվանեթիում՝ 246 երեխա:

Ողջ ծնվածների ընդհանուր թվի մեջ 2022 թվականին, 2021 թվականի համեմատ, առաջնեկների տեսակարար կշիռը 37,4 տոկոսից աճել է մինչեւ 39,1 տոկոս, երկրորդ երեխայի մասնաբաժինը 35,6 տոկոսից նվազել է 33,5 տոկոս, իսկ երրորդ եւ հաջորդ ծնունդները մնացել են գրեթե անփոփոխ եւ կազմել 26,6 տոկոս:

2022 թվականին ողջ ծնվածների ընդհանուր թիվը,

նախորդ տարվա համեմատ, մինչեւ 25 տարեկան մայրերից ծնված երեխաների տեսակարար կշիռը 27,2 տոկոսից նվազել է մինչեւ 26,5 տոկոս, 25-39 տարիքային խմբում մայրերի տեսակարար կշիռն աճել է 69,2-ից 69,6 տոկոս: Աճ է նկատվում նաեւ 40 եւ ավելի բարձր տարիքի մայրերի շրջանում, որոնց մասնաբաժինը 3,6 տոկոսից հասել է 4 տոկոսի:

Հատկանշական է, որ 2022 թվականին առաջին երեխայի ծննդյան ժամանակ մոր միջին տարիքը որոշվել է 26,4 տարին:

Ըստ վիճակագրական ծառայության տվյալների, 2022 թվականին Վրաստանում մահացությունների թիվը 6 799-ով ավելի է ծնունդների թվից:

Վիճակագրության համաձայն, 2022 թվականին, 2021 թվականի համեմատ, մահացածների թիվը նվազել է 18,0 տոկոսով եւ կազմել 49 հազար 118 միավոր:

Նշենք, որ Covid-ի համաճարակի պատճառով 2021 թվականին մահացությունը, նախորդ տարիների համեմատ, աճել է:

ՍԻՄՈՆ ԿԻԼԱԶԵ